


Cumegn Albula/Alvra



**Lescha da promoziun digl lungatg rumantsch digl
cumegn Albula/Alvra**

(Lescha da promoziun digl lungatg; SprachG)

**Acceptada dalla radunanza communal igls 17 da zarcladour 2016
e messa an viglour dalla suprastanza communal per igl 1. avost 2016**

Sa basond agl art. 5 ed art. 35 cif. 2 dalla constituziun communal Albula/Alvra

ò la radunanza communal Albula/Alvra

concludia:

I. Determinaziuns generalas

Art. 1

Object

Chella lescha regla las maseiras per igl mantignamaint e la promoziun digl lungatg rumantsch aint igl cumegn Albula/Alvra, scu er la collaboraziun cun otras corporaziuns digl dretg public ed organisaziuns privatas.

II. Administraziun communal

Art. 2

Ampluias e pladimaints

¹ Igl cumegn sustigna la promoziun dallas cunaschientschas rumantschas digl sies persunal.

² Tar l'occupaziun da plazzas aint igl cumegn è tar qualificaziuns equivalentas, è per regla da dar la preferientscha a chel candidat tgi so tots dus lungatgs uffizials.

III. Promoziun digl lungatg rumantsch

Art. 3

Contribuziuns repeteidas ad instituziuns

¹ Igl cumegn paia contribuziuns tgi sa repetan mintg'onn ad organisaziuns privatas cun intent da promover igl lungatg rumantsch per la promoziun digl lungatg rumantsch e dalla cultura.

² La concessiun da contribuziuns communalas vign fatga dependenta dallas cunvegnas da prestaziun tranter igl cumegn ed organisaziuns privatas, tgi vignan stipuladas mintgamai per ena perioda dad egn anfignen quatter onns.

³ Organisaziuns privatas tgi vignan sustigneidas, on da dar ancunaschaint alla suprastanza communal igl preventiv, igl rapport annual ed igl rendachint.

Projects e maseiras
da promoziun spezialas

Art. 4

¹ Igl cumegn paia contribuziuns a corporaziuns digl dretg public, scu er ad organisaziuns privatas per maseiras e projects per igl mantignamaint e la promoziun digl lungatg rumantsch e per l'ancligientscha tranter las cuminanzas linguisticas communalas.

² Las contribuziuns communalas sa drezzan surtot alla qualitat dallas maseiras, scu er a lour effect per igl mantignamaint e la promoziun digl lungatg.

³ Las contribuziuns communalas vignan fatgas dependentas dallas prestaziuns persunalas commensuradas digl retschaveider da contribuziuns. A projects, tgi èn orientos surtot a gudogn, vignan betg paedas contribuziuns.

Maseiras e projects
digl cumegn

Art. 5

Igl cumegn sustigna persungas tgi on dimora aint igl cumegn ainten lour sforzs d'emprender rumantsch.

IV. Disposiziuns executivas e finalas

Execuziun

Art. 6

La suprastanza communalala è incumbensada cun l'execuziun da chella lescha. Ella so relascher en'ordinaziun persiva.

Antrada an vigour

Art. 7

¹ La lescha preschainta sottastat agl referendum facultativ.

² La suprastanza communalala fixescha igl termin d'antrada an vigour da chella lescha. ¹

³ Cun l'antrada an vigour da chella lescha, èn aboleidas tottas determinaziuns d'oters decrets, tgi cunterfon a chella.

Igl mastral



Daniel Albertin

Igl canzlist



Maurus Engler